

Malik & Freya, 2j.



suechet es nöiis Daheime mit Freigang (zäme odr einzeln)

Sali zäme

Mir sy dr Malik u d'Freya u tätet Dir gärn üsen gröschte Wunsch mitteile: es nöiis Daheime. Gärn zäme, s'geit abr ou einzeln, mir hänge nid so sähr anenang! Warum? Üses Froueli cha üs us brueflechi u ziitlechi Gründ nüm so grächt wärde, wie mir's brüüchte. U bsundrs dr Malik bruucht sin Mönsch, abr derzue schpättr. Abr ebe drum!

Mi sy 2jährig, Gschwüschterti, kaschtriert, abr nid gimpft u nid chippet, schtuberein u liidenschaftlechi Freigänggr. S'Tigerli, das bin ig, d'Freya. Das bedütet Göttin dr Liebi, das passt zu mir. Ig bi gsung, sähr aahänglech bi mim Mönsch u soziau. I ig lieb es, dusse z'muuse. Abr nei, ig bring Dir cheis Gschänkli mit, das Gschänkli, das fuetter ig säubr. Im Gägesatz zu mim Brüetsch, dem rot-wiise Malik. Ou sin Name passt pärfäkt, das bedütet nämlech König. U so benimmt er sich ou. Er isch echener e Einzelgänggr, obwou er ou gärn bi Dir i Dim Bettli pfuuset u denn gar nid so allei sy wiu. Er isch es bitzeli dominant u ou er muuset gärn. Abr er bringt Dir es Gschänkli mit vo dusse, nid so wie ig. Leider isch er nid ganz gsung: er hat Epilepsie (mer het nid usseggfunde, woher das chunnt), er bruucht drum aui 12 Stung es Tablettli. Das nimmt er brav, u es würkt, er hat nur no ei Aafau ghet siither. Abr ebe, er bruucht's aui 12 Stung u das immr ziemlech zur gliiche Stung. Ou i Ferieziit. Das cha üses Froueli leidr nid immr schaffe. U denn isch dr Malik mängisch ou no nid pünktlech daheime.

Mir sueche drum zäme odr ou einzeln es ruhigs, entschannts Daheime, ohni Hung, Chatz u Ching. Bi liebi zuverlässigi Chatzefründe mit viu Ziit, di wo em Malik sini Tablettli regumässig chöntnt gah. U di wo üs Freigang ir ländlechi Umgäbig, durch's Törli düre, chöntntet biete. Was dänksch? Trouusch Du Dir das zue? Hesch Du villiicht scho Erfahrig? U bisch Du ou i d'Ferie daheime? Ja? Das wär's! Denn müeset mir üs unbedingt lehre chenne. Mir wohnet im Moment no z'Egg/SZ, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli.

Dini Malik & Freya



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch